

VICTORIÆ, ET FORTVNÆ CVM RELIGIONE

CONSPIRATIO:

34-5 f. 10

SEV

VIENNA

OPPVGNANTIBVS TVRCIS

DIV PROPVGNATA

A Comite ERNESTO STAREMBERGIO S. R. I. Principe,

ET DEMVM ASSERTA

ALIOANNE III. POLONIAE REGE,

AC CAROLO V. LOTHARINGIAE DVCE,

SVB AVSPICIIS

INNOCENTII XI. P. O. M.

ATO: LEOPOLDI ROMANORVM IMP.

LIBR. CON. S. R. I.
ROMA
VITTORIO ENRI

EPINICIVM


AB AUCTORE RENATO FLORENTIO DICTVM

FLORENTIÆ.

p. Ferdinandus

Zucconi

Anno



FLORENTIÆ SVB SIGNO PASSIONIS.

Apud Andream Orlandini, 1684. Super. Licentia.

Donatomi dal Prè ... Zucconi Autore.

1. 10. 1914

PROLVSION.



Prata ferè semper, sperata prope nunquam, relata tandem semel de nomine Otthomano Victoria tam ingenti gratulatione Christianam impleuit Rempublicam, vt foedum omnino sit suam

modò non ostentare in pompam lætitiã, & saluã vix quisquam Pietate aut victos sine risu hostes, aut Victores sine laude Amicos præterire se posse arbitretur. Elapsis sanè diebus Tempia, Academiæ, Porticus, atque ordines hominum vniuersi ita festis acclamationibus, & tam multo æstuarunt Pœane, vt in vna Victo-

A

ria

ria omnes de alacritate certare viderentur ; cum
pià quadam tripudij infania religionem quisque
suam testatam omnibus esse primus exoptaret .
sensimus enim uerò tunc omnes , non hominum ,
sed Numinis illius triumphii gaudium fuisse ,
quod tam publicum fuit , & in omnes vsque adeò
emanauit . At in tanto hoc lætitiæ tumultu nos
solùm inuenti sumus , qui dimissi iam à studijs
taceremus , & importunè feriatii Octobrem in-
glorium & elinguem huic clamoso Musarum
Regno hætenus ire permiserimus . Vnde non
sine nostri Nominis labe hoc esse putarem , nisi
hic literatus tandem Nouember & nobis no-
stra redderet studia , & studia ipsa iuberet in-
de auspicari , vbi omnes iam penè defessi silue-
runt , vt aliquando potius , quàm numquam
aliquà publicæ lætitiæ significatione fidem &
ipsi nostram profiteamur . Adeste proinde A. A.
dum ego FORTVNAM & VICTORIAM , alias
quondam a nostro Cœlo Sorores , ad FIDEI tan-
dem amplexum rediuisse nuper ostendo ; & con-
ceptum iam Phœbum sic in Epiniciu Carmen
effundo .

Solue

S Olue supercilium nimio iam triste Gradiuo
Austria, cui domitas demittit Thracia Lunas.
Vicinus hinc votis alij, mucronibus inde:
Et primo non dum plene satiata triumpho
Propitijs limen lassat Victoria bellis.
Vlterius sperare datur fœlicibus armis,
Magna licet fausti miremur gaudia Martis;
Scilicet à proprijs tandem reuocata ruinis;
Pulchrior angusta dum surgit fronte Vienna
Ridet, & o quantum dura obliuiscitur Astra.
Sparsa quidem longo bellorum turbine tecta,
Regalesque domos, & diruta mœnia spectat,
Sed sua vel proprijs gratatur rudera muris:
Dum raptis spolijs, partisque angusta trophæis
Admittit prædas reseratis undique claustris.
O Superos in vota pios, per aperta domorum
Et laceras Turres, & propugnacula fracta,
Exuuiæ hostiles, Getici decora ampla Tyranni
Ingrediuntur opes, solamen grande malorum.
Nen timeat sacris redituros Arcibus hostes,
Odrysiæ turmas, atque agmina capta Getarum
Quas fecere, iubet, muris sarcire ruinas;
Moliri que nouas ventura in secula moles.

A 2

Iussa

*Iussa relinquitur vulgus servile, manusque
 Et timet. & plorat proprios fabricare dolores.
 Cogitur at sorte, ac opera inter dura subinde
 Narrari Dominis captas victoribus Arces
 Pannonicas audit, disiecta Borysthenis arma,
 Et procul attonitas trepidare Propontidis undas;
 Quin dum captivis subuectant saxa lacertis
 Prostratos inter calato in marmore Thraces
 Se quoque deprendunt, patriæque opprobria Gentis
 Arcubus imponunt, lacrymis nec tergere possunt
 Quæ muris figunt propriæ monumenta catena.
 O me quis celsæ regali in vertice Turris,
 Dum crescunt Getico Leopoldi recta labore,
 Sistat, & Augustæ stupeant Amphiona moles.
 At vos dum tantis ordimur carmina cæptis
 Bellorum litui, quorum de murmure flammæ
 Christiadum toties traxere in prælia Turmæ,
 Vos mihi hyperboreo Phæbum succendite Cælo,
 Ut timeant Thraces post Martis spicula carmen.*

*Imperij postquam moles operosa Latini
 Non uno docilis regnari Casare Mundum
 In geminas secuit, gemino diademate, partes;
 Atque hinc occiduas dominatrix Austria terras,*

Æoas

*Eoas illinc possedit Thracia Gentes ;
Ipsa etiam in partes abiit Fortuna , Fidesque ,
Et comes Odrysij dudum Victoria bellis .
Scilicet hæc Geticis numquam non prospera signis ,
His maria , his terras , his primas annuit Arces ,
His æquare dedit crudelia bella triumphis .
Hinc fortunatæ pharetræ , gladijque superbi ,
Et prope iam Scythico laceratus acinace Mundus .
Sic visum est Superis , Getici terrore Gradui
Concutere imperia , & Reges versare potentes .
At parte ex alia , qua pallet vespere Cælum
Non ampla Imperio , sed iustis læta coronis
Religio sedet , & quidquid Pietatis amicum ,
Sinceri quidquid , iustique superfuit Orbi ,
Huc pia congescit , soliumque coegit in unum .
His opibus stipata magis quàm milite , & armis
Diua vices belli , & casus solatur amaros ;
Nam , plusquàm Regnis , hæc Regnatore superbit
Austriaco , & cunctis Leopoldum sortibus unum
Dum confert , absoluit fata ; videlicet uno
Pensat egestatem capite , & sibi læta videtur
Dum videt Imperium cervice quiescere tanta .
Sed quæ Pannonicis secernitur utraque Campis*

Regia, & Hungariæ alternis plaga feruida bellis
 Bizanti hinc seuas, placidas uidet inde Viennæ.
 Sidere ab aduerso concurrere turribus Arces;
 Arbitra Regnorum degit Fortuna, rotamque
 Hic totam exercet; semper mutabile namque
 Ingenium sortita loci, Gentemque bilinguem,
 Hic primum leuitate frui, hic leuis ipsa vocari
 Cæpit, & ambiguo nunquam non perfida vultu.
 Sic res humane vario se sidere agebant.
 Cum procul Odrysia, qua latrat Bosphorus, Vrbe
 Alta super Scythicæ vexilla minacia Turris
 Vertice laurigero eduxit Victoria vultus;
 Et longè spectans, superis carissima Regna
 Austriadum moles, fastigia celsa Viennæ,
 Et sua victricis quondam Capitolia Romæ,
 Erubuit, sædos inter proscripta Latrones
 Degere, & Euxini sic se defleuit ad undas.
 Ergò peregrinis damnata miserrima Regnis,
 Per iuga Carpatia rupis, per inhospita saxa
 Victrices ducam semper pudibunda quadrigas?
 Ergò Palatini Colles, Tarpeiaque Tempia
 Ripheas inter venient habitanda cauernas,
 Et mihi ab AEmatiæ surgent Capitolia rupe?

O pal-

O palmis miseranda meis! quid vincere prodest
Barbara Vincensio si sum Victoria Thracis,
Et trahor ipsa meis etiam captiua triumphis.
Extollor signis, sed sunt mihi signa pudori
Quæ me Bisthonij cogunt fulgere trophæis;
Arcubus inscribor, sed quis non defleat arcus;
Qui mihi Christiadum signant in marmore luctus,
Et Fidei numerant suspiria scripta Sororis!
Cretica me laurus, me cingit adorea Cypri,
Et Rhodos & Thyrsus, & quotquot non sponte subegi
Prædoni Scythico Gentes, mea furta vocantur;
Et tamen his iubeor suis ornare triumphos.
Proh si barbarica dum ploro voce latinis
Audior à Populis quondam victoribus, istis
Sit probris index aliquis, sit libera palmas
Reddere cui possim, cuius vexilla pudica
Lætæ sequar sædis non semper pulchra triumphis.
Cur Ego bellipotens Divinæ filia dextræ
Tartareis semper iubeor servire Manipulis,
Et quæ non vellem, præcingere tempora lauro?
O mihi cognato, quæ primo nasceris ore,
Religio verax æternæ nuncia vocis,
Si te non unquam frustra audiuere precantem

*Sidera, si Cælo fundis gratissima voces ,
 Iungere da tandem dextram , da pisse fanere
 Austriacis Aquilis , & me vel redde Viennæ ,
 Huc vel signa moue , fractisque Propontidis undis
 Me sternente vias , Geticas dominare per Arces .
 Audijt hæc spatijs longè secreta locorum
 Religio , & longum nocturna ad sidera deflexit
 Interiora Poli iustis non surda querelis
 Intrat , & armorum causam lacrymando perorat .
 Vertitur extemplo rerum Fortuna , nec ulli
 Intellecta satis peragit decreta Tonantis .
 Nempe nouum ut ludat , demens est visa rotare
 In præceps cuncta , ac ipso cum Cæsare Regna .
 Nec mora ; Pannoniæ , furij hortantibus , acti
 Coniurant Proceres , fracti sed sæpe Gradino
 Criminis auxilium maiori crimine querunt ,
 Ne Dominos habeant , iurant seruire Latroni ;
 Ac ad bella cient scelerato fœdere Thraces .
 Conueniunt leges , sancitur pignore bellum ,
 Milite Thrax multo , promittunt fraudibus illi
 Bellare , & belli stabilitur summa : Viennæ
 Mœnia diruere , Imperium miscere , coronas
 Arctoas rapere , Hesperiam demittere Abydo ,
 Erida-*

*Eridanum, ac Tiberim exhaustire, hominumque Detum-
Res certa Terræ, Pelagique à sede mouere, (que
Et sacra Casareo moliri Vincula Collo.*

*Proh superum contempta fides! patientibus Astris
Hoc sperare datum est sceleri? potuitque vel una
Nocte impune nefas tanto se attollere voto?*

*Vix maiora ferunt quondam affectasse Gigantes,
Cum prope dispositos spectarunt sidera montes*

*A iete Caucasio sedem oppugnare Deorum,
Atque alios Dominos laribus iactare serenis.*

Sed præstat quæcumque loco cecidisse superbos.

Concussis igitur magnis à sedibus Orbis

*Armantur Populi, vario quos flumine Nilus,
Quos Tigris, & Tanais, vel 7 brachius alluit Hebrus,*

*Quique sub Arctoïis hibernant noctibus, & qui
Solibus æstiuant medijs feralia bello*

Pectora succingunt, ac Lunæ signa sequuntur.

Horrea frumentis, armentis prata, metallo

Ignoti Montes, ramis ac arbore sylue,

Agricolis campi, viduantur ciuibus Vrbes.

*Nec turmas sed regna trahit Dux barbarus, & qua
Austria se patria tantum pietate tuetur (tu*

Quadrupedum hinnitu, pedumque equitumque tumul-

*Ac carpentorum strepitu se immania fundunt
Agmina, & innumeris figunt tentoria campis.
Horruit insolitos tremefacto gurgite motus
Danubius, Rhenusque procul caput extulit undis,
Et liquidis ploravit aquis, Tiberis ipse superbus
De Imperio Fidei vix tunc non credidit actum.
O cecas hominum mentes! Non letior umquam
Fortuna arrisit, quam cum trepidauimus Orbi
Ultima fatorum: tunc nempe ut perderet omnes,
Omnes congescit pestes certamen in unum.
Ergo dum belli tanta sub mole laborat
Austria, Theutonici Proceres, quique assidet alto
Sarmatiae Solio, bello Rex maximus, omnes
Optato toties, stabilito fœdere tandem
Auxilio iurant socialia iungere tela,
Et procul à Regnis seuos arcere Latrones.
Sic illos Pietas, sic & Fortuna suadet
Imparibusque armis spondet de Thrace triumphos.
Arma parant igitur; sed dum illis arma parantur
Quam prope palluimus labentem Marte Viennam;
Cum patrijs furijs, tantaque cupidine praeda
instinctus Visir, nomen venerabile Turcis,
Desertis latè campis, flumioque potitus,*

Agge-

Aggeribus ductis nobis spem clauderet omnem,
Anxiete & assiduo, numeroque superbus in Arcem
Surgeret, & nullam requiem concederet Urbi.
Magna quidem Dacis Superi opposuere virorum
Pectora, quæ possent sortes fulcire ruentes.
Quid tamen heu faceres paruo Lotharinge tuorum
Agmine stipatus, campo deprehensus aperto
Bistonis eluue tanta, qua Strymona propter
Non plures volitant hiberno sidere nimbi.
Nec te parua quidem laus Staremberge manebit,
Vlla neque hoc poterit nomen delere Vetustas,
Quod rapidus belli cortex, & aperta Propontis,
Quæ iam tot Populos, & Regna vorauerat Orbi,
Vt primum tandem contra te vidit euntem
Versantemque moras, & ineluctabile pectus
Hæserit, ac ultra frustra tentauerit ire.
Sed te qui fluctus animi, quæ sæua premebat
Curarum moles, cum propugnacula raro
Milite spectares tua: cum iam quassa videres
Mœnia corruere, & tibi vix superesse cadauer
Deformata Urbis, quæ sese opponeret hosti?
Heu rerum facies ipsis lacrimanda Gelonis!
Audaces quondam Turres, tabulata, Domusque

*A*Ere satiscabant crebro percussa tonante.
*I*am vallum, fossæque, & munimenta ruinis
*A*Equarant hostes, muris iam proxima sacris
*S*igna locabantur *T*hracis; tellure sub ipsa
*O*ccultus caueis mediam peruaserat *U*rbem
*A*Emonius fossor, ferroque instructus & igne
*N*on unam abdiderat calati sulfuris *A*Ethnam.
*H*inc sæpe audiri secreta conitrua *T*erræ,
*H*inc ipsæ excussæ primo à fundamine moles
*S*epe videbantur flammarum turbine ferri,
*A*tque aditum propria *M*edis aperire ruina.
*S*epe etiam tacite turbari sidra noctis,
*E*t totum præceps ærata in grandine *C*ælum
*U*ndique spectasses rectis effundere stragem.
*N*eue tot ærumnis etiam postrema deesset,
*A*ccessit funesta lues, quæ fortius armis
*C*onficeret muros etiam cessante *G*elono.
*H*is tandem fessi *C*iuēs, vix corpore fracti,
*P*ugnabant animis, dextra languente sub ictu;
*P*ugnauere tamen, laceroque cadauere muros
*T*utabantur adhuc; tunc certe vidimus armis
*Q*uid possit *M*iles, quid *D*ux, & *M*artia *V*irtus,
*Q*uæ numeros omnes animo pensauit in uno.

Quili-

Quilibet ex illis caderet, numerosa cadebant
Agmina, & unius librabant fata triumphos.
Instabant igitur fessis cervicibus enses,
Ac Urbis tantæ labes pendeat in horas.
Sed iam Sarmatiæ Populis audita tubarum
Vox alacres animos ad pulchra vocauerat arma.
Æstuat Orion, primus Rex ipse triumphis
Nobilis antiquis Dominas moderatur habenas,
Aspectuque hilares accendit Martis Amores.
Regius huic sese generosi sanguinis heres
Addit, & è galea surgentia bella minatur
Vix uno Genitore minor; Pater indole tanta
Gaudet, & ingentem dum crescere spectat in enses
Magnanimam sobolem, sese deprendit in illa,
Et caro in vultu veteres reminiscitur annos.
Sic leo, cui primæ surgant certaminis iræ
Ac patrios tenero meditatur ab ungue furores,
It comes, & patrem præcurrere gestit arena.
Ille suos animos, nativæque prælia sentit,
Et patitur vinci, fulvaque in prole triumphat:
Regibus haud impar tantis sua tela coruscat
Flos Lithuæ gentis, lectissima corpora pubis.
Sublimes omnes, omnes ad sortia nati

Nomina dant Marti; quorum vel quisque Gelonos
 Sexcentos optet, secum concurrere campo.
 Scilicet haud istas vomer vel aratra dedere
 Indecores bellis Animas, sed nobilis ardor
 Casside sub dura iubet exercere Iuventam.
 Hinc alacres ad pugnam oculos, hinc plena Gradivo
 Pectora spectares; spectares ore venustas
 Sarmaticas Veneres magnis gaudere lupatis
 Costernacis equi, proprioque horrore superbas.
 Quod si fortè istos vidisset Græcia vultus,
 Non unum mirata foret tunc fabula Martem
 Feruere, at innumero stupuissent numine bella,
 Nec modo tot caperent Rhodopeia claustra Gradivos.
 Hos tamen AEmonia longe Rex Thracius Arce
 Vidit, & insolitum tremuit, videre Triones
 Pleiadumque suis plausere Heroibus Astra.
 Nos certè ut tandem sperata nuncia famæ
 Aura per Ausonias sonuit letissima Terras;
 Auditas Cælo lacrimas, & vota Piorum
 Diximus, & longe Getico insultauimus hosti.
 Usque adeo Lithauis dextris, & Marte Polono
 Ventura auxilio Cæli sperauimus arma:
 Nec spes vana fuit. Descendunt sidere ab alto
Æthe-

*AEtheris, & pelagus quâ circumuoluit aquarum
 Danubius, tandem sese ostendere Viennæ
 Signa Parethonijs dudum trepidata Maniplis.
 Huc Equitum Germana phalanx, Gens plurima Regū
 Venerat, & dudum studijs ingentibus omnes
 Ardebant gladios Getico potare cruore;
 Nec ieiuna sitis fuerat, nam sæpe Scytharum
 Sanguine perluerant arentia tela; sed armis
 Austriadum nondum reſerato à limine Cæli
 Annuerat sese fauſte ſpes vltima pugne.
 Aſt ubi fulſerunt multo durata Boote
 Fulmina bellorum, propiorque eſt viſus Orion
 Feruere Sarmaticis pluſquam Bellator in haſtis.
 Vix ſeſe è Lelagum tenuit victoria caſtris
 Quin ſeſe ingereret venientibus; aggere certè
 Illis arriſit, ſaciliſque eſt viſa Polono.
 Ergò alacres ad bella Duces in ſœdera iungunt
 Fulmineas dextras, Trit. quas emula Virtus,
 Fatalemque diem magna ad certamina firmant.
 His lætæ auſpicijs repetunt tentoria turmæ
 Et iam Thrax animis, campuſque agitatur, & enſis,
 Rixanturque ſimul ſub cæca inſomnia nocte,
 At vigil interea, roſco nitidiſſima vultu*

Limine ab Eoo croceis innecta quadrigis
 Aurora in seros veniebat itura Nepotes,
 Et laudis testem totum pandebat Olympum.
 Tum vero excussæ nito clangore phalanges
 Armantur castris; sonipes iam præscius ire
 Prouocat hinnitu pugnas, & mordet habenas.
 Flagrat prima dies, nitidisque incensa tor armis
 Verberat Odysseos oculos, & vulnera prima
 Martia lux I habi Scythicos iaculatur in hostes.
 Nec mora, Christiade spatijs equalibus, omnem
 Partiti sortem pugne sua quisque sequuntur
 Omina signorum, Martemque feruntur in unum.
 Non procul Augustam Collis decliuis in Vrbem
 Eminent, & latè conspectu explorat aperto
 AEquora camporum, numerosis obsita Dacis
 Huc propere euadit, summoque in vertice fulget
 Theutonicus belli Ductor Lotharingius, & qua
 Mitescit cliuus, lituis clamantibus, omnes
 Emittit turmas, & Marti laxat habenas.
 At parte ex alia sociata ad classica pugna
 Sarmaticus Tubicen multo clangore tubarum
 Respondet, patriasque acies hortatur in arma,
 Et simul inuadunt feralia castra Latronis.

Erecti

*Erecti sonitu ciues fastigia recti
Summa petunt lati, & Cælo descendere ab alto
Auxilium spectant, ac festa voce salutant.
Sed subito è contra deprensus turbine belli
Mustasa Bistonius, recruta Propontidis Hydra,
Attollit cervice minas, & cedere Diuis
Indignatur adhuc acies tum protinus omnes
Euocat, & signis opponit signa, nec ira
Aut furij parcit, sed quâ sub viscere aheni
Vel propè Cociti ripas tellure sub alta
Clauserat innumeras ammantas sulfure pestes
Ventilat ipse faces, totumque excludit Auernum.
Horribili circum sonitu Dis clausus in auras
Erumpit subito, & sese iaculatur in astra.
Miscetur strages: pedes, equesque rotantur,
Cumque suis torquentur equis; ex æhere saxa
Et rupes, montesque cadunt, ac pluribus Isiro
Extinguit Phæton misera incensia Nymphis.
Vrgent successum Thraces, qua deficit ignis.
Visir adest, facibusque alias pugnare Megeras,
Ast alias ferro iubet, & sese addit utrisque.
Ne culpes O. hominè Ducem, maiore Gradino
Quam sit par homini Visir pugnasse fateatur.*

Aspice

*Aspice tot cædes hominum, tot funera rerum,
 Tot domitos amnes, sumantes cerne tot Vrbes,
 Nutantemque Domū Augustam, & iam pæne laban-
 Regnatricem Urbem ac vastos metire furores (tem
 Indomiti Ducis. & quid bello audere superbum
 Ignoravit atrox, ad cuius tela Vienna
 Vertice contremuit sacro, & vix grande ruentis
 Imperij columnen non Staremburgus hiauit?
 Hactenus ast illi Superi scuire dederunt;
 Vtlerius fortuna negat contendere Thraces.
 Iam nostros addisce Duces, & parce Gelono
 Impar si cecidit tantæ sub vulnere dextræ,
 Ergò ubi stare acies subita formidine sensit
 Hinc Lithauum Rex altus equo, Lotharingius inde
 Alipedes urgent, & primos ense timores
 Tela per & flammæ, & sæua tonitrua belli
 Inuadunt alacres; & toto Marte calescunt.
 Non valli, fesseque moræ, non agmina densis
 Ispida vulneribus, nec acutis obuia telis,
 Magnanimas terrent iras, sed claustra refringunt,
 Agmina sed fundunt, hostili ac aggere circum
 Regius ardet apex, Augustus fulgurat ensis.
 Erubere Aquila tunc Bellatore tonante*

Stare

Stare procul gemino , per apereas ergò ruinas
Irrumpunt castra , & tentoria milite inundant .
Vt quondam Boreas , & iunctis viribus Auster
Eolij fratres positas in montibus aedēs
Certatim oppugnant , & circum tecta , foresque
Robora congerinant ; emoto cardine donet
Ianua se pandat . nubesque admittat & imbres .
Tunc etenim nimbi subeunt , tunc plena minorum
Turba fremit fratrum , subito patefacta tumultu
Atria miscentur , dissultant limine Portæ
Franguntur tabulae , per custodita Penatum
Otia seuit hyems , & vis inimica procella .
Haud aliter postquam reserato à limite castra
Intravere Duces , campo baccantur aperto
Christiade reliquis non hos tunc Bosphorus undis
Omnibus oppositus , commissaque Sextus Abido
Frænarent animos : in pigra armenta leones
Mitiùs immittunt sese , quàm Martia virtus
Se in Thraces vibret . Subito tunc sparsa videres
Membra virum , truncoſque Scythas , & inertia passim
Corpora Bistonidum , cumulataque cadibus arua .
Nec cessant Ciues , sed quos populantur in agris
Christiadum gladij , celsa sublimis ab arce

Stare-

*Staremburgus agit non uno feruidus igne .
 Sic Manors , iuxtaque ferox in Gorgone Pallas
 Deliaque aetherea dum sede Tiphoea pellunt :
 Ardus ipse super defenso Iuppiter axe
 Ignea in euersos mittebat tela Gigantes .
 Iam locus est pugnae nullus , non hasta , nec ensis
 Cernitur aduersus , quæ solum terga trucidet
 Victor habet ; pronis sed tot ceruicibus enses
 Cesarei desunt ; quamuis non victor habetur
 Cui tres non pereant uno sub vulnere Thraces .
 Ergò aliam dum audi carpunt , pars altera palme
 Labitur , & tanto non par est dexta triumpho .
 Non tulit hoc spectans volucris fortuna , sed omnem
 Ut ludum tandem circumacti absolueret Axis
 Vsa Duce est Getico , & Turcis fugientibus illum
 Opposuit , melior ne nos euaderet hostis .
 Scilicet indomitus postquam inclinata suorum
 Agmina Subenitus vidit discrimine Vlsir .
 Labentem Martem desertaque prælia vultu
 Increpat horrendo , strictoque ab acinace turmis
 Vulnera , quæ fugiunt , redeant ni ad signa minatur .
 Hunc propè nobilium furiarum nomina centum
 Adstabant , unaque simul tot mostra sub hasta*

Coge-

Cogebat signum vigilatum plurima Arachne
Victricis quondam signum spectabile Luna.
Fecerat hoc olim probroso nupta Marito
Barbara, & insanos Terra, Pelagique triumphos.
Decepta augurijs Caldeo scripsit in auro.
Huc acies igitur Leuo à certamine pugnae
Sudducunt sese, spectari ac omine signi
Et Ducis Imperio reuocant in praelia vires.
Tela iterum feruent, iterum sors pendet utrinque
Successu dubio: miscentur funera, & Astris
Non fuit indignum praeclaro sanguine bellum
Sacrari Austriadum; cecidistis nempe decoro
Vulnere libatae generosi nominis Umbrae.
Debita Virtuti nam merces ultima tantae
Non tulit exiguis Terrae gaudere triumphis
Egregias Animas; sed Caelum eduxit in altum,
Qua modo Diuorum circum plaudente Senatu
Heroes iuxta narratis fortia facta,
Et vobis multa flagrat iam luce cicatrix.
Ast ubi Rex Lithaum solitus non vincere pigro
Marte videt campi, & pugnae momenta librari,
Indignatus equo magnis calcaribus alas
Addit; & in medios primum se coniecit hostes.

Nec

Nec fuit in vulgus, sed qua Victoria primam
 Promittit laurum; signum regale Dynaste
 Quà nitidi gemmis, & diuice Marte tuentur,
 Conuertit strages, & dignum Rege Graduum.
 Aspirat Fortuna animis; fessoris habenas
 Cognoscit sonipes, Dominaque calentior ira
 Proterit hos cursu, saltu nunc proterit illos,
 Nobilis ac Regem desert ad limina palmæ.
 Tunc unum contra centum sonuere pharetræ:
 Tunc unum oppugnant Acies: fuit arduus ille
 Fulmineumque rotat nulli tractabile telum.
 Quaque rotat subito rarescunt agmina circum,
 Et fracti clipei volitant, & membra virorum
 Quà mucronis agit discussus turbo rotantur.
 Iam non plura ferens Sors, & Victoria, tandem
 Illa rotam vertit, niueas agit ista quadrigas,
 Fatorumque fores reuoluto à cardine pandit
 Vtraque, & Odysij relinquunt vexilla Tyranni.
 Nec mora, Sarmatico transfossus vulnere pectus
 Signifer AEmonius supremis vocibus Astra
 Incusat, manibusque alijs tractanda relinquit
 Carbasa Fortuna, & domita iam cornua Luna.
 Arrisit Cælum augurijs, & lapsa Polonum

Alba

*Alba super pennis est circum visa Columba
Ludere festiuium, & cristas ambire decoras.
Fulsit ad hæc ille, ac frustra luctante Gelono
Vexillum extorquet Victor, spoliūque superbum
Ventilat, & fractos ostentat in aere Thraces.
Tunc ruere Imperium visum, tunc Regna Getarum
Visa sub vnius deuolui turbine dextra.
Christiade ingeminant plausum, dirasque, metusque
Hostibus attonitis addunt. Victoria victos,
Vt pecus ignauum, spoliatos omine Thraces
Urget, & in trepidos ultiricia fulmina spargit.
Vndique caduntur, non vis, non robora dextra
Respondent solitæ, languent ad prælia vires.
Ipse oculos frustra conuertens Ductor in Urbem
Ingemit ereptam prædam, seseque citatis
Committit pedibus, nec iam noua cogitat Orbis
Regna, nec audaces animos, sed cæca ferarum
Antra, ubi sylvarum latebris sibi protegat iras
Victoris, casusque suos, & sidera ploret.
It rabies comes, ac illum dilapsa minorum
Turba Ducum sequitur campis fugitiua, sed instant
Terribiles tergo gladij, miserabilis ergo
Fit strages hominum, fului potator Hydaspe.*

Et

Et Cilices, Medique cadunt, cadit ipse Sabæus
 Accola odoriferi Cæli, gens picta phæretis,
 Discolor aspectu, passim sternuntur, & aruis
 Funera confundunt plenis. Non Parthica Coniux,
 Non Medis, Dacisque Nurus, non Thracibus ulla
 Immunis superest isto certamine Mater.
 Flet viduos Aurora thoros, Oriensque superbus
 Hac una pugna quod longum ploret habebit.
 Ipse Styge attonita miratur funera Porthmeus,
 Nec meminit toties alias onerasse carinam.
 Quod si forte aliquis funesto est Marte relictus
 Non hic longa sui euadit ieiunia Campi,
 Quaque fugit rubro signat vestigia riuo.
 Sed rapidis iam fessus equis sub vespere Phæbus
 Ire diem longa rorantem cæde iubebat,
 Pulveremque iubar tingens Athlantide limpha
 Cædebat Lunæ lustrandum lampade Cælum.
 Hæc avidis inuicta rotis ubi strata Getarum
 Arma solo, clipeosque suos, sua stemmata vidit
 Cæde super larga Scythico stillare cruore,
 Horruit insolium, tremefactaque lora reduxit;
 Et nos indemitum tunc primum vidimus Orbem
 Ire retro. & quassa Lunam nutare quadriga.

Tu

Tu nunc Diua memor tam fausta conscia noctis
 Musa refer, quanto Victores lumine Cælum
 Afflarit reduces, avido quàm fidere vultus
 Exploravit adhuc fumantes cade diurna.
 Ut litui tandem pugna cecinere recessum,
 Exit in occursum servata à mœnibus Vitis
 Relligio, & Staremburgi letissima destra
 Nixa, super stratos ducit vestigia Thraces.
 Hic alacres inter turmas, & fausta tubarum
 Murmura, qua illustrant cecam funalia noctem
 Agminibus stipata pijs Victoria tandem
 Occurrit Fidei post secula longa forori,
 Et circumfusus Diuam complexa sub armis,
 Quos illi peperit, docet ambitiosa triumphos.
 Ibat & hac (inquit) Macedo, hac Hircanus. & Indus,
 Hac pugnabat Arabs; ast tu secura Graduum
 Iam preme Threicium. tanto clamosa tumultu
 Aera tuis quondam muris plorata Viennæ,
 En deserta iacent, dominam en te muta verentur,
 Et tibi iam magis exin pugnatura tonabunt.
 Cerne tot aggestis onerata vehicula campis,
 Cerne tot annorum messes, tot vomere culias
 Getulo fruges, cumulatæ hæc cuncta iubentur

Expe-

*Expectare tuas hyemes, serosque Decembres :
En arma, en clipei, en pharetrae, en sudata Cyclope
Carpatio quondam vestri instrumenta timoris,
Nunc victi spoliū, & Victoris grande trophæum .
His opibus pensare tuas Fortuna querelas
Atque meas voluit lacrymas ; ut gratior essem
Christiadum gladijs, quidquid pretiosa metallo
Parturit Epiros, quidquid producit Erythre,
Alluit Euphrates quidquid congesimus, una
Ut pugna sese spoliatam Aurora doleret .
Neu fatum dubites iterum, & variabile bellum ,
Vertimus auguria, & Bizanti è Turre Gelonis
Omen adoratum, captum tibi sistimus . Arces
Diruit hoc signo Mahometh, hoc Regna subegit,
Hoc iussit seros bellis præferre Nepotes .
Nec Fortuna procul vexillo hoc absuit umquam,
Detulit huc donec : disces hinc versa Tyranni
Sidera, & Odrysij ridebis bella Gradui .
Hoc sciat ipse procul Mundi suprema Potestas
Christiadum Pater Augustus, primusque Sacerdos,
Hæc qui bella Senex fortunat Numine & auro .
Ac stratam pedibus Lunam Sol inclytus Orbis,
Fortunamque premens Othomanni hæc Arcibus altis*
Exu-

*Exuvias inter veteres, Regesque subactos,
Iam noua desigat tanti monumenta triumphi,
Et maiora suæ speret Capitolia Romæ.
Assensu plausere omnes. It clamor ad astra;
Et quæ barbarico surgunt tentoria luxu
Bisthonij quondam pretiosa cubilia Visir,
Desessi subeunt Proceres. Rex puluere primus
Et cæde aspersus graditur, tunc pone sequuntur
Ductores alij, primoque in limine sedis
Attoniti pendent omnes, ubi splendida lychnis
Mobilis apparet feralis regia Thræcis.
Bisfina sassinio radiant penetralia, multo
Textilis est Hermo, Tyrioque in murice Vestis,
Aurea defixis ardent laquearia gemmis,
Et valles, fontesque intus, nemorumque latebras,
Balneaque Assyrio circumdant carbasa muro.
Hæc dum mirantur, longa Sobieschius Heros
Nixus adhuc hasta: Modicum non vicinus hostem
O Proceres, inquit, Cresco non ista supellex,
Non Xersi fuit. Unius stipendia pugne
Solueret ut nobis, Cyros Aurora, Midasque
Exhausti plures, bello speremus ut omnes.
Quò nos ergò vocat Cæli tam prona voluntas*

Verta.

*Vertamus bella, & ne dum certamine in uno ,
 Bello etiam vinci testemur posse Gelonum .
 Hunc Ego , quo semel inducor , non ante profecto
 Deponam gladium , quàm spectem Thraces , & Indos
 Austriacis parere Aquilis , direpta Tyranni
 Mœnia Sithonij , ac duplici diademate cinctum
 Imperijs geminos Leopoldum iungere Mundos .
 Sidera sic illi spondent , sic ille meretur .
 Hæc Ego præstabo contentus laude subactæ
 Caesaris Imperijs Auroræ Marte Polono .
 Ite , ac victores pugnae cras surgite ad ista
 Bella mihi , & magnos mecum sperate triumphos .
 Dixerat . Illi alacres magnæ dant oscula dextræ ,
 Altius & Surgunt : centum clamoribus implet
 Fama tubas , plausu Cælum , Terræque resultant .
 Et nos attoniti Cyrrheo à vertice tantum
 Nomen adoramus , demisso poplite , Vates .*

F I N I S .

